

## 《佛說觀無量壽佛經》 補充講表

◎附表二十：續法大師《觀無量壽經直指疏》云：

○應時即見極樂世界廣長之相：今一自力觀想見，欲見即見，名曰：應時。

○若善男子及善女人，但聞佛名、二菩薩名，除無量劫生死之罪，何況憶念！

※《楞嚴文句》卷五：「憶者，恆審思量。念者，注心一境。憶念若深，則有現前即見佛者，如遠公三見聖相之類是也。」

○若念佛者，當知此人，則是人中芬陀利華（白蓮華）；

※《觀經四帖疏》卷第四云：「明若能相續念佛者，此人甚為希有，更無物可以方之，故

引分陀利為喻。」

○觀世音菩薩、大勢至菩薩，為其勝友；

※《觀經四帖疏》卷第四云：「明專念彌陀名者，即觀音、勢至常隨影護，亦如親友知識。」

○當坐道場，生諸佛家。

※《觀經四帖疏》卷第四云：「明今生既蒙此益，捨命即入諸佛之家，即淨土是也。到彼長時間法，歷事供養，因圓果滿，道場之座豈賒！」

○佛告阿難：「汝好持是語，持是語者，即是持無量壽佛名。」

※《觀經四帖疏》卷第四云：「從佛告阿難：汝好持是語已下，正明付屬彌陀名號，流通於遐代。上來雖說定散兩門之益，望佛本願，意在眾生一向專稱彌陀佛名。」

○爾時世尊，足步虛空，還耆闍崛山。

※《觀無量壽佛經疏》云：「耆山流通中，初佛步空，還耆闍崛山，為增物敬，奉順其言，故現此變。」

○眾生知見佛知見，如水結冰冰還泮。

※《占察善惡業報經》卷下云：「當知如是眾生、菩薩、佛等，但依世間假名言說故，而有差別；而法身之體，畢竟平等，無有異相。」

※《占察善惡業報經義疏》卷下云：「法身喻如濕性，眾生如冰，佛如純水，二乘、菩薩，如冰漸泮而未盡也。冰之濕性無減，水之濕性無增，故云畢竟平等。」

迷（背覺合塵）：眾生知見（生死浩然），喻水結成冰。

一念

悟（背塵合覺）：佛知見（輪迴頓息），喻冰溶為水。

水、冰之濕性無增減

○切莫癡狂向外求（以下糅合《占察善惡業報經義疏》卷下

如同一美女，有欲男子視之，以為妙好；等輩妒婦視之，以為怨家。魚見之深入，鳥見之高飛，麋鹿見之決驟。不淨觀人視之，以為行廁；出世聖人視之，知其本空；入假菩薩視之，知其能為十界染淨緣起；佛眼視之，知即法界實相。舉此一法，總不出於十界各自心量，心外無境。一切諸法，例皆可知。

※《觀經四帖疏》卷一云：「又看此觀經定善，及三輩上下文意，總是佛去世後五濁凡夫；但以遇緣有異，致令九品差別。何者？上品三人，是遇大凡夫；中品三人，是遇小凡夫；下品三人，是遇惡凡夫；以惡業故，臨終藉善，乘佛願力，乃得往生。到彼華開，方始發心，何得言是始學大乘人也？若作此見，自失誤他。為害茲甚！今以一一出文顯證。欲使今時善惡凡夫同沾九品。生信無疑。乘佛願力悉得生也。」

◆以下糅合《觀經四帖疏》觀經玄義分卷第一

一、如《觀經》云：佛告韋提，我今為汝廣說眾譬，亦令未來世一切凡夫，欲修淨業者，得生西方極樂國土者。是其一證也。

二、言如來今者為未來世一切眾生，為煩惱賊之所害者，說清淨業者。是其二證也。

三、言如來今者教韋提希及未來世一切眾生，觀於西方極樂世界者。是其三證也。

四、言韋提白佛，我今因佛力故見彼國土，若佛滅後，諸眾生等濁惡不善，五苦所逼，云何當見彼佛國土者？是其四證也。

五、如日觀初云：佛告韋提，汝及眾生專念已下，乃至一切眾生自非生盲，有目之徒，見日已來者。是其五證也。

六、如地觀中說言，佛告阿難，汝持佛語，為未來世一切眾生欲脫苦者，說是觀地法者。是其六證也。

七、如華座觀中說言，韋提白佛，我因佛力得見阿彌陀佛及二菩薩，未來眾生云何得見者？是其七證也。

八、次下答請中說言，佛告韋提，汝及眾生欲觀彼佛者，當起想念者。是其八證也。

九、如像觀中說言，佛告韋提，諸佛如來，入一切眾生心想中，是故汝等心想佛時者。是其九證也。

十、如九品之中，一一說言為諸眾生者。是其十證也。

◆上來雖有十句不同，證明如來說此十六觀法，但為常沒眾生，不于大小聖也。以斯文證，豈是謬哉？